

ընդունալ զհրապարակելու, լուսաւորուած կետերուն և մոլոր մը-
նացող կետերուն մէջ ջերմութեան բարեխառնութիւնը հաւասարակշիռ
պահելու համար, ինչպէս նաև զիշերուան ժամանակ կ'արգիլէ երկրիս
ջերմութեան արտաթորումն ու կորուստը՝ թոյլ չըտալով որ չափէ
դուրս սաստկութեամբ ցրտութիւն գայ յառաջ արեգակնային լոյս
չըտեսնող մասերուն մէջ:

Եւ ահա այժմ՝ ևս կ'տեսնեմք թէ մի և նոյն մթնոլորտը կ'պահպանէ
զմեզ երկնաքարերու անձրևներէն, որք առանց նորա անշուշտ կ'սպան-
նէին զմեզ:

Վերջացնելով իօսքերնիս կ'ասեմք թէ՝ երկրիս մթնոլորտը տօթար-
գել (ծրան) մի է զմեզ արեգակն գէմ պահպանելու, վերարկու մի է
ցրտին գէմ պատսպարելու, և վահան մի է արարչական նիւթոց քար-
կոծմանը գէմ զմեզ պաշտպանելու համար:

(Վ. Է. Է.)

ՆԻԿ. Մ. ԹԻԻԼՊԷՆՏՃԻԱՆՑ.

ՀԱՄԱՌՈՏ *) ՀԱՇԻԻ ՀԱՅ ՀԱՅԱՐԱՆԿՈՒԹԵԱՆՆԸ.

Երջանկայիշատակ Ներսէս Ե. ամենայն Հայոց Սաթուղիկոսը — հօրս
մահից յետոյ — 1850 թուին վերցնումէ ինձ իր մօտ հոգեղաւակ և
տալիս է Մայր Աթոռի ժառանգաւորաց Դպրանոցը, Այս տեղից 1856
թուին ուսումն աւարտելուց յետոյ նոյնպէս Ներսէս Ե. Սաթուղիկոսի
և Սինօգի 676 համար հրամանգրով ես կարգվում եմ եկեղեցական
գպիր տեղւոյս Ս. Պետրոս և Պօղոս եկեղեցում, ուր և յետոյ ձեռնա-
դրրվում եմ քահանայ, Մի և նոյն հրամանի ղօրութեամբ գործակալը
յանձնումէ ինձ Թեմական Դպրանոցն իրեն պարագաներով, ևս բաց եմ
անում այդ թուին Օգոստոսի վերջերում՝ ինչ ինչ հանգամանքներով
փակուած՝ Թեմական Դպրանոցը, ժողովում եմ աշակերտներ և սկիզբն
եմ դնում դասատուութեան, Դպրանոցը կառավարում եմ մինչև 1857
թիւը, երբ գալիս է Երեւան Ստեփան Վարդապետը փոխանորդութեան
պաշտօնով, Հայր փոխանորդը ձեռք է առնում ի թիւս այլոց և Դպրա-
նոցի կարգադրութիւնը, Մինչև 1862 թիւը աւանդում եմ Արօնի և Հա-
յոց լեզուի դասերը, այնուհետև երկու տարու չափ այս պաշտօններիս
վերայ աւելանում է և Դպրանոցի տեսչութիւնը, որոնց հետ նաև հո-
գարարձութիւնը, ժամանակաւորապէս այս պաշտօնը վարելուց յետոյ՝
գալիս է Գրիգոր վարդապետ Աղափիրեանցը, որ և սկսում է կառավա-
րել Դպրանոցը՝ թողնելով ինձ իմ նախկին պարտականութիւնները մին-
չև 1868 թիւը, երբ մոտ է գործում Երեւան փոխանորդ Սերովրէ Ե-

(*) Հաշուիս մանրամասնութիւնները գտնվում են դպրոցի գործերում եւ մասամբ
հրատարակուած են զանազան լրագրներում:

պիսկոպոսը, որի բռնած ուղղութեանը խոնարհել չկամենալով՝ հետանում Գպրանոցից, չընայելով, որ սրբազանը այնքան խնդրումէր ինձ մնալ:

Բ.

Թեմական Գպրանոցին իմ հրաժարականը տալով՝ մնում եմ ուսուցիչ Կրօնի և Հայոց լեզուի Գայիսեան հայ օրիորդաց ծխական դպրոցում, ուր ուսուցանում էի գրեթէ բացուած օրից, 1866 թուին Պարոնայք՝ Ռուբէն Հասան - Զալալեանց, Յովհաննէս Վօրդանեան, Վասիլ Եղիազարեան, ես և ուրիշները միասին խորհրդակցելով՝ որոշում ենք աշխատել մեր քաղաքում մի օրիորդական դպրոց բանալ, Դիմում ենք թոյլտուութիւն խնդրելու Հոգեւոր Եշխանութիւնից, որ և ստանում ենք: Մի քանի ժամանակ Թեմական Գպրանոցից ստացած մեր ռոճիկներից մի մասը տալիս ենք նոր Գպրոցի համար կարեւոր պարագաներ գնելուն: Վերջապէս 1866 թուին Ապրելի 13ին բաց ենք անում Գայիսեան Ուսումնարանը, բաժանում ենք մեր մէջ դասաւանդելի առարկաները, ինձ ընկնում է Կրօն և Հայոց լեզուի դասերը, Ամենքս էլ ձրի ենք դասախօսում մինչև 1868 թիւը: Գպրոցի կառավարիչ ընտրվում է Պ. Ռուբէն Հ. - Զալալեանցը, որ գրեթէ հիմնադիր և բարերարն էր նորաբաց դպրոցի, որ ամենից սրտացաւ ու հոգատարն էր, որ մեծ տոկունութեամբ տարաւ շատ նեղութիւններ. վերջապէս ամենայն յաջողութեամբ յաղթեց Գպրոցի ծննդեանը վտանգ սպառնող պարագաներին: 1868 թուից Գպրոցի տեսչութիւնը մնում է Տիկին Սոնա Մադաթեանցի վրա ց1872 թիւը, Այս թուին գալիս է Երևան թեմական վերատեսչի պաշտօնով Հայր Խորէն վարդապետ Ստեփանէն, որի խնդրանք ես դարձեալ գնում եմ թեմական դպրանոցը. այնտեղ էլ եմ սկսում Կրօնի և Հայոց լեզուի դասաւանդութիւնը ց1873 թիւը. Հայր - սուրբի հետ միասին տեւտուն ենք մանգալի յօգուտ Գպրանոցի ստորագրութիւններ ժողովում, որ հասաւ մինչև 7500 բուրլու, Այս գումարն էր, որ անցեալ տարին երում ժողովեց թեմական Գպրանոցի հոգաբարձութիւնը:

Հայր Խորէն վարդապետի գնալուց յետոյ Գայիսեան Գպրոցը մնում է անխնամ, Տեղւոյս փոխանորդ Եղիազար Արքեպիսկոպոսի հաստատութեամբ քաղաքիս երիտասարդներից Պ. Պ. Վասիլ Եղիազարեանց, Կարապետ Զալալեանց, Հայկ Տ. Ամրակումեանց, Տրդատ Վարդանեանց ինձ ընտրում են կառավարիչ և Կրօնի ու Հայ լեզուի ու պատմութեան ուսուցիչ, Պ. Տրդատին Գանձապահ և իրենք էլ իրենց մէջ մնացած առարկաները բաժանելով՝ ձրի դասեր են տուել: Սակայն երկար չէ տևում: Մի տարու չափ գործելուց յետոյ հեռանում են ամենքը:

Տեսնելով Գպրոցի անտէր և աղքատ վիճակը, 1874 թուին Մայիս ամսում ես ժողով եմ հրաւիրում տեղւոյս Հայ - հասարակութեանը:

ներկայացնումեմ նրանց իրենց դպրոցի աննախանձելի դրութիւնը և յորգորումեմ ուշ դարձնել՝ կարևոր կարգադրութիւններ անել:

Ժողովուրդը միահամուռ ձայնակցութեամբ ընտրումէ ինձ տեսուչ— խնդրելով իմ համաձայնութիւնը. ընտրումեն նաև հոգաբարձուհիներ և առաջարկումեն Վեհափառ Վաթուղիկոսի հաստատութեանը:

Նոյն թւի Յունիսին նորին Վեհ— Օծութիւն 8. և 8. Գէորգ Դ. ամենայն Հայոց Վաթուղիկոսն իր հայրապետական Աոնդակով — 286 համարով հաստատումէ տիկինների հոգաբարձուհութիւնը և իմ Ցեսչութիւնը:

Գ.

Որպէս զի հասարակութիւնը մի որոշ գաղափար կազմի իմ գործածներին վրայօք, աւելորդ չեմ համարում մի քանի խօսքով նկարագրել Գայիանեան Օրիորդաց Հայ դպրոցի այն ժամանակուայ դրութիւնը, երբ յանձնուեց իմ տեսչութեանը:

Դպրոցը ղեկեղուած էր մի անյարմար շինութեան մէջ— նեղ ու խոնաւ առանց տախտակած յատակի սենեակներով— հինգ հատ հին նըստարաններ, մի հատ սեղան 23—24 աշակերտուհիներով մի դասատան մէջ և 72 բուբլի 19 կ. պարտքով:

Ժամանումէ 1874 թուի ուսումնական տարեգլուխ Սեպտեմբերը. դիմումեմ (պէտքէ փոխանակ ամեն անգամ կրկնելու, մի անգամ ասեմ, որ հոգաբարձուհիների հետ եմ արել ամեն բան) պաշտօնական թըղթով Հայր Փոխանորդին և խնդրում, որ յորդորէ այն ժամանակի Թեմական տեսուչ Պ. Գէորգ Տ. Յարութիւնեանցին գալ ինձ հետ միասին կարգաւորելու դպրոցի գործերը: Պարոնը դպրոցի աղքատ վիճակից փախչելով պատասխանումէ, թէ ես զգակ չունիմ, որ դպրոցի վարժապետները գլխիցս վերցնեն:

Ճարահատեալ կրկին անգամ դիմումեմ Փոխանորդին խնդրելով հրաման տալ Թեմական Դպրանոցի ուսուցիչներին Գայիանեան դպրոցում ևս դասեր վերցնել մասնաւոր ռոճկով, քանի որ սա միջոց չունի առանձին ուսուցիչներ վարձելու: Թոյլ են տալիս, Կարևոր ուսուցիչներ գալիս են, առարկաները բաժանումեն, որը 5, որը 8 և ամենից շատը 12 ուրբիով համաձայնումեն դաս տալ: Այժմ դպրոցը ունէր 33 աշակերտուհիներ:

Ցասն օր էր, որ դպրոցը փոքր ի շատէ կարգաւորութեան մէջ էր մտել. բայց այս բանը նախանձի առիթ դարձաւ չարակամներին: Անցեալը չենք կամենում վերանորոգել, արդէն նրա լոկ յիշողութիւնը զայրոյթ ու զզուանք է զարթեցնում. . . . Այժմ պատրաստի կերակուր վայելելու համար լաւ ախորժակ ունեցողները բռնի ուժով են կամենում մտնել. այն ինչ մի ամիս առաջ փախչումէին. . . և Աստուած իմ, ինչէր ասես, որ չէին անում գործը խանգարելու համար: Թշնամութիւնը իմ գէմ դրանց կողմից սաստկացաւ, մինչև որ բողո-

վում են. այս ժամանակներում մեռնում է մեծ. Պ. Ղևոնդ Ղազարեանի անդրանիկ որդի Ղէքսանդրը, որի հոգու յիշատակի համար համաձայնում է Պ. կատարել Կարապետ Վարդապետ Այվազեանի և իմ յորդորը — կառուցանել Գայիանեան դպրոցի համար մի դպրատուն:

Այս տարի ես տեսչութեանս պաշտօնի հետ վարում եմ և դպրոցական բոլոր գրադրութիւնները, աւանդում եմ Կրօն, Հայոց լեզու, Պատմութիւն և Վայելչագրութիւն, տարեկան ուսումնական ընդամենը 240 ռուբլի, դպրոցն ունի 60 աշակերտուհի, երկու դասարան, աւանդելի առարկաներն են՝ Կրօն, Հայոց և Ռուսաց լեզուներ, Թուաքանութիւն, Հայոց պատմութիւն, Բնագիտութիւն, Վայելչագրութիւններ, Երաժշտութիւն և Ձեռագործութիւն: Գպրոցի էլ-է-էն է՝ թոշակագրամ 530 ռուբլի 50 կ. նուէրներ 291 ռ. հին թատրոնից 10 ռ. գանձապահից առած պարտք 184 ռ. էլ-է-էն 1015 ռ. 50 կ. Տ-է-էն է՝ թ-է-էն՝ Տեսչին, վարժուհուն 8 ուսուցչի ուսումնական, անցեալ տարուց մնացած 188 ռուբլու հետ միասին 703 ռուբլի, դպրատան վարձ 208 ռ. վառելափայտի 29 ռ. 60 կ. մանր ծախք 14—90, ծառային 60 ռ. ընդամենը 1015 ռ. 50 կ. Գուրս գալով ծախքերը մուտքից, մնում է 184 ռ. պարտք:

Ե.

1876 թուին Տեսչութեանս համար ստանում եմ 240 ռ. տարեկան ուսումնական, իսկ դպրոցական բոլոր գրադրութիւնները և շաբաթական 13 դաս աւանդելը ձրի եմ կատարում: Գասարանները նոյնն են, աշակերտուհիները 65. առարկաների վրայ աւելացած են Ռուսաց պատմութիւն և Հայ. Չայնագրութիւն: Ուսումնարանի էլ-է-էն է՝ աշակերտուհիների թոշակագրամ 545 ռ. նուէրներ զանազան անձինքներից 585 ռ. հին թատրոնի երկու ներկայացումից՝ 18 ռուբլի մասնաւոր դրամի տոկոսից 26 ռ. 70 կ. ընդամենը 1174 ռ. 70 կ. Տարեկան էլ-է-էն է՝ Տեսչին, վարժուհուն և 6 ուսուցչի տարեկան ուսումնական 623 ռ. 50 կ. ծառային՝ 67 ռ. դպրատան վարձ՝ 156 ռ. երկու հատ նոր նստարանի — մանր ծախսերի հետ միասին 15 ռ. 37 կ. վառելափայտի՝ 20 ռ. 60 կ. գանձապահի պարտք 184 ռուբլին վճարելով ընդամենը 1066 ռ. 47 կ. որը գուրս գալով մուտքից, մնում է դպրոցին 108 ռ. 23 կ.

Զ.

1877 թ. Տեսչութեանս համար ստանում եմ 240 ռուբլի. վարում եմ գրադրութիւնները և աւանդում եմ շաբաթական 14 դաս ձրի. Գասարանները, առարկաները նոյնն են, աշակերտուհիների թիւը 66:

Ուսումնարանն ունեցել է 880 *) ռ. մուրհակ, որը Տիկին Մադամեանը 1873 թուին յանձնել է Խ. Վ. Ստեփանէին, սա տեղական Փոխանորդին՝ և այս վերջինը դպրոցի վարչութեանը: Ուրեմն անցեալ թուի

*) Այս գումարը ժողոված է Պ. Ռուբէն Հ. Զալախանը:

184 թ. 23 կոպ. հետ միասին անումէ 988 թ. 23 կոպ. Դպրոցի հաս-
թոշակագրամ 765 թ. նուէր զանազան անձինքներից 417 թ. 80 կ. տո-
կոսիք 70 թ. 30 կ. վիճակախաղի փոխարէն իրերի վաճառումից 78 թ.
17 կոպ. ընդամենը 2320 թ. Ծ-Է՝ Տեսչի, վարժուհու և 5 ուսուցչի
տարեկան ուժիկ 773 թ. 50 կ. ծառային 72 ու. վառելափայտի 38 ռուբ.
ցյունիս ամիսը դպրատանը, 7 հատ նստարանների, 10 աթոռների,
2 գրասեղանի, 2 գրատախտակի, սեղանի կարմիր մահուտեայ սփռոց-
ների, 36 հատ պղնձեայ թանաքամանների, 3 հատ մեծ ճախարակների
և ուսումնարանի մանր ծախս 153 թ. 29 կ. ընդամենը 1036 թ. 79 կ.
որը դուրս գալով մուտքից՝ մնումէ 1236 թ. 44 կ. պատրաստի դրամ:

Ուսումնարանն այս թուին Սեպտեմ. 18 ին մուտ է գործում նորաշէն
դպրատունը, որով թէ ազատվումէ տան վարձ տալուց և թէ զետեղ-
վումէ մաքուր ու յարմարաւոր շէնքի մէջ:

Է.

Ընթերցողի համար գուցէ շատ հեշտ կթուի դպրոցի այսօրինակ
քայլ առ քայլ առաջ գնալը, բայց թէ իսկապէս որքան տանջանք, որ-
քան նեղսակրուծիւններ պիտի քաշուէր մինչև այդ տեղ հասցնելու
համար, յայտնի կլինի միայն նորան, ով որ գործել է, ով որ գտնուել
է նոյնօրինակ գործի մէջ, Սակայն և չպէտքէ մոռանալ այն հարուած-
ները, որոնք տեղի էին ունենում ինձ վերայ իմ բարեմիտ հակառա-
կորդներից, որոնք այնքան առաւել կատաղումէին, որքան բարեկարգ-
վումէր Գ. դպրոցը, Ինձ վերայ տեղի ունեցող հարուածները ժողովրդի
ձեռքից չէր. ոչ, ընդհակառակը այս ամենը և սրանից յետոյ ինչ որ էլ
որ արել եմ, արել եմ միայն ժողովրդի աջակցութեամբ, ժողովրդի
խրախուսանքով, Իմ գէմ էին միայն անձնասէր ու շահախնդիր ան-
ձինք, որոնք ունէին անշիջանելի եռանդ, սակայն առանց աղնուծեան,
Ոչ մի բան ինձ ցաւ չէր պատճառում. ոչ այն զրպարտանքները, որ
բարձումէին ինձ վրայ զանազան անկիւններում վրաս խօսելով, ոչ
այն հնարովի և կեղտոտ լուրերը, որոնք թշուուռէին ինձ վրայ ժողո-
վրդի մէջ իմ բարեկամները. ցաւումէի միայն, որ դրանք չէին պատ-
կառում ամենատմարդի ստեր հրատարակել նաև լրագրներում, իչարը
գործ գնելով խմբագրների հաւատը, արատաւորելով մամուլի վսեմու-
թիւնը . . . Ես դրանցից որին պատասխանումէի և որին անարժան
համարում տեգամ և ուշադրութեան. իմ հաւատը հաստատ էր ժո-
ղովրդի վրայ, ես հաստատ համոզուած էի, որ երբ և իցէ ճշմարտու-
թիւնը երևան կգայ և բոլոր իմ հակառակորդները կորագլուխ լինելով
ամօթահար կլինին:

1878 թուին ես ձեռք եմ առնում նորակառոյց դպրատանը կցել մի
թատրոնական բեմ երեք սենեակներով, Պատրաստի փող չկար, բայց
յոյսս մեծ էր բարեմիտ ժողովրդի վրայ, Գործը սկսումեմ. թէև իմ
հակառակորդները այս անգամ էլ ցոյց տուին իրենց ատել՝ թիւնք

զոգոելով ժողովրդականներից մի քանիսին գործակալ քահանայի միջոցով, այնպէս որ վարպետներին ու մշակներին համարեա թէ ծեծելով էին դուրս անում, սակայն ես չեմ վհատվում, զիմում մերձաւոր իշխանութեանը և սրա մի հրամանը կապումէ դրանց ձեռք ու ոտքերը: Ես նորից սկսումեմ գործը, մի կողմից հիմքն եմ քանդել տալի, մշակներ, վարպետներ բանացնում, միւս կողմից նամակներ եմ գրում ժողովրդականներից նուէր խնդրելով: Ամառուայ տօթագին օրերումն է կատարվում այս ամենը: Մօտ հարիւր նամակ ցրուեցի բոլորը իմ ձեռքով գրած: Ժողովվեց 1034 թ. նուէր:

Այս տարում աւելանումէ մի դասատուն, աշակերտուհիների թիւը հասնումէ 85: առարկաներից Ռուսաց պատմութեան տեղ՝ մտնումէ Ընդհանուր պատմութիւն, աւելանումէ Պարս. Կ--դ գումարը 1234 թ. 44 կ. թռակադրամ 1495 թ. նուէրներ նոր շինութեան համար 1034 թ. տոկոսիք գումարի 142 թ. 12 կ. թատրոնական վեց ներկայացումից 879 թ. 92 կ. Յովակիմ Զաքարեանի կտակից 50 թ. իրեղէնների վաճառումից 37 թ. 12 կ. ընդամենը 4874 թ. 60 կ. Ծեփեղ գյւրոցի՝ Տեսչին, վարժուհուն, 8 ուսուցիչներին տարեկան ուժիկ 1442 թ. 80 կ. ծառային 88 թ. վառելափայտի 78 թ. 45 կ. 3 հատ նոր նստարանների 50 թ. 1 գրատախտակի, 1 գրասեղանի 25 թ. Բ. դասարանից բացած դրանը 20 թ. 60 կ. գյւրոցի բակի պատեր քաշելուն 55 թ. 70 կ. Մոսկվայից և տեղիս խանութներից գնած ձեռագործի նիւթեղէնների 83 թ. 56 կ. զանազան ծախքեր 79 թ. 25 կ. թատրոնի երեք յարկանի բեմի և 3 սենեակների շինութեանը 1539 թ. 4 կ. 13 հատ թատրոնական նոր նստարաններին 105 թ. Կէլեբեկեան, կտաւներին ու ներկերին 120 թ. 52 կ. Կէլեբեկեաններ նկարելուն 205 թ. 35 կ. բոլոր ներկայացումների համար և այլ զանազան ծախսերի 63 թ. 28 կ. ընդ ամենը 3385 թ. 5 կ. որը դուրս գալով մուտքից դարձեալ մնումէ 989 թ. կ.

Ը.

2879 թ. Գայիանեան գյւրոցը, որ ցայսփայր ծխական էր համարվում, վարչութեանս խնդիրքով Սինօղը Կէլեբեկի է վեր ածում: Գրպատունները և առարկաները նոյնն են, աշակերտուհիք 83: Կէլեբեկեան 989 թ. 55 կ. գումարը, նուէր 264 թ. թատրոնական ներկայացումներից 1144 թ. 53 կ. թռակադրամ 1443 թ. պար սովորողներից վարձ 141 թ. տոկոսիք 83 թ. 63 կ. ընդ ամենը 4059 թ. 71 կ. Զեփեղ 2664 թ. 84 կ. ուժիկ, տեսչի, վարժուհու և ուսուցիչների. ծառային՝ 88 թ. թատրոնի ծախսեր 126 թ. 54 կ. Երրորդ դասատունը տախտակելուն 63 թ. 99 կ. ձեռագործի նիւթեղէնների 43 թ. 70 կ. վառելափայտի 66 թ. 70 կ. զանազան մանր ծախսեր 76 թ. 45 կ. ընդ ամենը 3130 թ. 22 կ. մնումէ մայր գումար 929 թ. 49 կ. Այս տարի ես ստանումեմ տեսչութեանս համար 480 թ. իսկ շարաթական 5 դասը աւանդումեմ և գրադրութիւնները կատարում ձրի:

Թ.

1880 թ. Վարչութիւնս ուսումնարանի նիւթական գրութիւնը ապա-
հովելու համար դիմումէ նորին Վեհափառութեանը խնդրել թոյլտու-
թիւն երեւանայ թեմի գիւղերից կալերի ժամանակ ցորեն ժողովել և
սրա փոխարէն գիւղերից աշակերտուհիներ պահել ուսումնարանում
Բայց վրա հասնելով թանգութիւնը՝ նորին Վեհափառութիւնը հաւա-
նելով մեր առաջարկութիւնը՝ բարեհաճումէ յետաձգել աւելի բարե-
լից տարու։ Այսուհետև ուսումնարանն արդեն գրաւումէ ըստ ամե-
նայնի բարեմիտների սէրը և համակրութիւնը, այն ինչ սաստիկ կատա-
ղեցնումէ չարախնդացների վայրոյթը, գոգումէ նրանց ատելութիւնը,
Ոչ բամբասանքին է չափ մնում, ոչ սուտ թղթակցութիւններին, մին-
չև անգամ առ նախանձու ուղումեն նոր թափոն շինել տալ ի վնաս
Գայիանեանի... Թողնենք այս ամենը, Հաւատացած լինելով՝ որ գործի
դժուարութիւնը արդէն յաղթանակել եմ, որ այսուհետև դպրոցի յա-
ռաջ գնալու համար իմ ուժերս բաւական չեն, որ պէտքէ վերջ զնել
թշնամանքներին՝ ժողով եմ հրաւիրում և առաջարկում ընտրել արա-
կան սեռից ևս հոգաբարձուներ նորին Վեհափառութեանն ի հաստա-
տութիւն առաջարկելու համար։

Այս թիւն բացվումէ մի դասատուն ևս - Երրորդը, առարկաները
նոյնն են, աշակերտուհիների թիւը հասնումէ 89ի, Մարտի լինումէ՝
մայր գումարը 929 ր. 49 կ. թափոնից 962 ր. 50 կ. նուէրներ 389 ր.
90 կ. թոշակագրամ 1611 ր. վիճակախաղից 384 ր. 55 կ. տոկոսիք 33 ր.
13 կ. ընդ ամենը 4310 ր. 37 կ. Զեմէր՝ Տեսչի, վարժուհու, ուսուցիչ-
ների ուժիկ 3094 ր. ծառային 85 ր. Վեհ. Վարժուղիկոսին ընծայած
թաւշի վրա մետաքսեայ և ոսկեայ թելերով գործած ձեւարանի պատ-
կերով գորգին ծախս 79 ր. 9 կ. վառելիքայտի 197 ր. 10 կ. ձեռագոր-
ծի իրեղէնների 78 ր. 24 կ. ուսուցչական սենեակի տախտակելուն և
պաստառելուն 44 ր. 95 կ. նոր սեղան, գրատախտակ շինելուն, բոլոր
սենեակների վերանորոգելուն 111 ր. 25 կ. զանազան մանր ծախսեր
58 ր. 59 կ. ընդ ամենը 3654 ր. 22 կ. հանելով մուտքից մնումէ 656 ր.
35 կ. իմ ուժիկը նոյնն է 480 ր. վարումեմ բոլոր գրագրութիւնները
և 5 դաս տալիս եմ ձրի, այն ինչ կան 800—900 րուբ. ստացող ու-
սուցիչներ։

Այս թիւն Գայիանեան Ուսումնարանը խնդրումէ նորին Վեհափա-
ռութիւնից հրամայել Պետրոս և Պողոս եկեղեցուն, որ սրա բոլոր ե-
կամուտը՝ ծախքերը դուրս գալուց յետոյ՝ յատկացնուի Գ. Ուսումնա-
րանին, Այդպէս էլ հրամայումէ բարձրագոյն Հոգևոր Իշխանութիւնը
Այս յուսով և բացվումէ երրորդ դասարան, Սակայն չկամ հակառա-
կորդներս ամեն կերպով արգելք են հանդիսանում, Ինձ լուր են տա-
լիս, որ մտադիր են եկեղեցւոյ բոլոր եկամուտը ծախսել, ուսումնարա-
նին ոչինչ չտալու համար, Դարձեալ դիմումեմ Հոգևոր Իշխանութեա-

նը. վերջապէս Սինոդը հրամայումէ նոյն իսկ թեմական դպրանոցի հոգարարձութեանը՝ որ և հաշուատեսն է քաղաքիս հայ եկեղեցիներէ երեսփոխանաց, ստանալ Պետրոս և Պողոս եկեղեցուց 500 ր. և յանձնել Գայիանեան ուսումնարանին: Սակայն այսօր վաղը զցելով՝ մինչև այսօր էլ մնումէ:

Ժ.

1881 թ. տեսնելով որ հակառակորդներս այնպիսի տմարդի միջոցներ են ձեռք առել իմ դէմ, որ ասելը մինչև անգամ ամօթ եմ համարում, ես յուսահատած՝ տալիս եմ իմ հրաժարականը նորին Վեհափառութեանը: Սակայն նորին Վեհ. Օծութիւնը չընդունելով հրաժարականս՝ իր մօտ է կանչում ինձ, իր հայրական յորդորներով խրախուսում է ինձ և կրկին անգամ ուսումնարանը ինձ հաւատում: Ուսումնարանը նոյեմբ. 16ին դիմումէ խնդրագրով Վեհափառից թոյլ տալ արական սեռից ևս 4 հոգաբարձու ընտրել. — անպատասխան է մնում:

Իմ բարեկամները մինչև այսօր էլ չեն կարողանում, թէ չեն կամենում հաւատալ, որ թէքը նորին Վեհափառութիւնն էր օրիորդաց դպրոցի համար արական սեռից հոգաբարձուներ ունենալուն ընդդէմ:

Ուսումնարանը գնալով աւելի յառաջադիմումէ, աշակերտուհիների թիւը — հակառակ անբարեմիտների ցանկութեան — շատանումէ հասնելով մինչև 125ի: Այս թուականի մօտ է՝ մայր գումարը 656 ր. 35 կ. Թատրոնից 649 ր. 25 կ. վիճակախաղից 401 ր. 51 կ. նուէրներ 360 ր. թոշակագրամ 1458 ր. 40 կ. տոկոսիք 50 ր. բոլորը 357 ր. 51 կ. Ի-Է-Ն 2964 ր. ռոճիկներ. 86 ր. ծառային 75 ր. 32 կ. ձեռագործի իրեղէնների 95 ր. 60 կ. վառելափայտի 45 ր. 38 կ. զանազան մանր ծախքեր բոլորը 3266 ր. 30 կ. հանելով մուտքից մնումէ 309 ր. 21 կ. սրա վրայ հաշուելով և Պողոս Պետրոսից ստանալի 500 ր. ընդամենը 809 ր. 21 կ.

Այս թիւն ևս կան 900 ր. ստացող ուսուցիչներ. իսկ ես տեսչութեանս համար ստանումեմ 600 ր. միւս պարագմունքները նոյնն են:

ԺԱ.

Ամեն համբերութիւն իր սահմանն ունի. ես չունէի այն հազուադիւտ երկաթեայ կամքը և այն անընկճելի ուժը, որ մինչև կեանքիս վերջը կռուէի. թուլացայ — ստանալով իմ արածների փոխարէն միայն թշնամանք, բամբասանք ու հալածանք այնպիսիների կողմից, որոնց մէջ ես գաղափարական մարդ, ազնիւ ու բարեկիրթ անհատներ կը կամենայի տեսնել, որոնց մէջ ճշմարտի և արդարի պաշտպան կուզէի հաւատալ և ոչ թէ իրենց անձնական կրքերին բաւականութիւն տուող անձեր ճանաչել և տեսնել նրանց:

Վերջապէս քանի քանիցս թէ խնդրագրերով և բարեկամներիս միջնորդութեամբ խնդրումեմ նորին Վեհափառութիւնից թոյլ տալ արական սեռից ևս հոգաբարձուներ ընտրել, Ժողովուրդին, Ժողովրդի կողմ

մից պատգամաւորներ ուղարկում Նորին Վեհափառութեանը հոգաբարձուներ ընտրելու թղլտութիւն ստանալու համար, Այսանումէ համաձայնութիւն, Պատգամաւորները ընտրումեն և հոգի տրիկիններից և և հոգի պարոններից ու առաջարկումեն բարձրագոյն Իշխանութեան հաստատութեանը:

Այս ամենը վերջանումէ նրանով, որ Նորին Վեհափառութիւնը Ապրիլի 4ին ուղարկումէ իր Հայրապետական կոնգալը, որով տրիկիններին հաստատումէ հոգաբարձու, իսկ պարոնները՝ օգնականներ:

Ուրեմն մնումէ ինձ 1832 թ. Յունվարի 1ից մինչև Ապրիլի 15ի հաշիւը ներկայացնել օրհնեալ հայ հասարակութեանը, միևնոյն ժամանակ խոստովանելով որ վհատած եմ գործել այս թիւին:

Ռոճիկս և պարապմունքներս նոյնն են, դասատուներ միևնոյնն են, առարկաները՝ նոյնպէս. աշակերտութիւնների թիւը 95, Կ-+ 915 Ապրիլի 309 ր. 21 կ. մայր գումարը. 185 ր. 10 կ. նուէրներ 176 ր. 50 կ. վիճակախաղից. 509 ր. թոշակադրամ. 8 ր. 75 կ. տոկոսիք ընդամենը 1047 ր. 56 կ. Ծ-+ 633 ր. Ռոճիկ, 24 ր. ծառային. 19 ր. 10 կ. ձեռարործի (որը նուիրել եմ իմ սեփականութիւնից) 16 ր. 20 կ. զանազան մանր ծախսեր, ընդամենը 692 ր. 30 կ. մնումէ 355 ր. 26 ր. որ և յանձնուեց նոր հաստատուած հոգաբարձութեանը, կցելով հետը իմ տուած 145 ր. 50 կ. ուրեմն ընդամենը 500 ր. 76, նրա հետ միասին և ապառիկների մի ցուցակ, որից պարզ երևումէր, որ ուսումնարանը ունի 1000 ր. Պօղոս - Պետրոսից ստանալիք և 630 ր. զանազան անձինքներից, որը կտակած և որը աւանդած:

ԺԲ.

Ընթերցողը գուցէ յիշելիս լինի, որ մինչև վերջին օրերս էլ յիշատակեցին լրագիրներում պարոնները թէ՛ Գայիանեան ուսումնարանը այսքան տարի հիմնուած է և ոչ մի կոպէկ դրամագլուխ չունի, Ես ար-թաւն չհամարեցի պատասխանել, որովհետև հաստատ համոզուած էի, որ նոյն իսկ ինքը գրողը գիտէ որ սուտ է գրել, Գայիանեան ուսումնարանն ունեցել է ահագին ծախքեր, Գայիանեան ուսումնարանի թատրոնական բեմ, որի տուած արդիւնքները թող ընթերցողը կարգայ հաշիւների մէջ և ինքը ասի թէ քանի՛ հազար դրամագլխին կարող է հաւասարուիլ և իմ օրօք յանձնուել է նոր հոգաբարձութեանը 499 ր. 26 կ. կանխիկ դրամ. 1630 ր. ապառիկների ցուցակ, որոնցից ոչ մի կոպէկն էլ կորչող չէ, բացի այս՝ ունի ստանալիք և Ասպահանցի Պ. Յովսէփի կտակածից 1500 ր:

Վերջապէս թէ՛ այսպէս և թէ՛ այնպէս՝ իբրեւն կարողացել եմ, իբրեւն կարողութիւնս ներել է՝ աշխատել եմ. բաւական չեն՝ թող այսուհետև մէկին տասը արդիւնաւորեն. այդ կլինի իմ և հասարակութեան ուրախութիւնն ու բաղձանքը:

Այստեղ շատ տեղն է յիշել, թէ և ուշադիր ընթերցողը արդէն նկատած կ'իյնի, որ ես ինչ որ արել եմ, ինչքան որ անյուսահատ եմ մընացել, գործելուց չեմ փախել, այդ ամենով պարտական եմ Նորին Աւհագաւորութեան քաղցրալիր յորդորներին, հայրական խրախուսանքներին և իշխանական ձեռննորութեանը, երբէք չեմ մոռանալ այն սիրալիր ընդունելութիւնները՝ որ ցոյց էր տալիս Նորին Աւհագաւորութեան ամեն ժամանակ, երբ դիմումէի Նրան թէ խնդրագրով և թէ խօսքով, Պարճ ասեմ՝ երեւանայ Գալիանեան ուսումնարանը Աւհագաւոր Հայրապետի խրախուսանաց և իշխանական հովանաւորութեան պտուղն է այնտեղ կանգնած: Անմոռանալի և ամենամեծ վարձատրութիւնն են ինձ համար Աւհագաւոր Հայրապետի բերանից բխած յորդորները, քաջալերութիւնները և օրհնութիւններն, որ այնքան առատութեամբ թափումէր խոնարհ ծառայիս վրա ամեն անգամ, երբ կ'ըլլէր, երբ թշնամական թակարդները դէպի Նորին սրբութեան ոտն էր մղում ինձ . . . Եւ միշտ վերագառնումէի նոր ուժ, նոր զօրութիւն ստացած . . . :

Մէկի տեղ այժմ 16 հոգուց բաղկացած խումբն է գործող և ես ներկայ թւի սեպտեմբերի 29 ին կնքեցի դպրոցական ասպարիզում իմ գործառնութիւնը տալով վերջնական հրաժարականս մինը՝ տեղւոյս գերապատիւ Փոխանորդին և միւսը՝ Նորին Աւհագաւորութեանը, որից որդիական խոնարհութեամբ աղաչում եմ ազատել ինձ ծանր տանջանքներից, միևնոյն ժամանակը յոյս յայտնելով, որ դպրոցի արդի գործողները յուսալի են, կարգիւնաւորեն առանց ինձ, ես հրաժարուեցի ամեն պաշտօններիցս նախ՝ որ հանգիստ ու դադար տամ անձիս, որ 1856 թուականից մինչև 1882 թ. բաւական չարչարուեց դպրոցական ասպարիզում և բ. որ—ազատ առանց ինձ—գործեն այժմեան հոգաբարձուհիները ու հոգաբարձուները, որոնց համար մաղթում եմ երկնաւոր Հօրից տոկունութիւն և հաստատակամութիւն, մեծահոգութիւն և գործասիրութիւն, որպէս զի տասնապատիկ աւելի արդիւնաւոր առնեն իրենց խնամոցը յանձնուած մեծ գործը:

Գալով ինձ՝ ամեն անգամ երբ Գալիանեան ուսումնարանի մօտից անցնելուս նայում եմ նրան—ուրախանում եմ հոգևով, մխիթարվում եմ ես—իմ քաջած բոլոր նեղսակրանքները մոռանում եմ ես:

Անըջ տալով խօսքիս՝ օրհնում եմ սրտիս խորքից Հայ հասարակութիւնը, օրհնում եմ նրա համար սրտացաւութեամբ քրտնող մշակի կեանքը, ցանկանում եմ մեր գործողներին սէր և միութիւն յանուն ժողովրդի, ի շահ հասարակութեան, ի բարգաւաճումն հայի գործ կատարելու ժամանակ, Թո՛ղ ամենևին չվհատուին, թո՛ղ իսկոյն և եթ շնորհակալութեան ու վարձատրութեան աչք չունենան, թո՛ղ նոյն իսկ իրենց խղճմտանքի մաքրութիւնը, գործի վսեմութիւնը, իրենց կոչումի վեհութիւնը քաջալերէ և ոգևորէ նրանց, Թո՛ղ մարդիկ իւրեանց վար-

